

石阡府志

朝

石所府志自叙
郡治之設也肇自前明永樂
間迄於今二百有餘祀矣歷
遭兵燹指不忍屈而衣冠文
物中州者已久我

相承百年雅化海內涵濡
即為土曰人忠則
孝義有何不日增而日盛者
然問其志則闕如也問嘗讀
周禮禮方之志外史嘗之又
嘗念朱紫陽詢郡志於南康

者以爲知務志之作其可少
哉先余宰關中任商南無
志也創成之任蒲城有志也
欲修之而賦重民悍之區重
以饑饉之會有志焉未
逮繼擢商刺史有志

有既修之志而久無所承復
手之俱歷竹攻木
歲癸未秋來守郡士苦民貧
志切冰兢不知何以自殫越
明年捐俸設書院建石堤又
明年補文廟鑿太虛名洞各

隨時修舉廢墜以無曠乃職
而郡志尤其重且大者秉筆
肇興伊誰之責顧寧人日知
錄云在監司守令之位不悉
一方之地形土俗因革利病
不可以作志余雖自慚固陋

靡有三長而蒞茲載餘此數
端頗得彷彿更稽其碑碣考
其鐘磬於通省志觀其概於
郡人士廣大其訪而二百餘年
之人物事蹟遂得脩輯余一
人之手但考據必得其詳論

斷必求其實其間事為之變
遷風物之參差與歲時之遠
近毫釐千里有不容師心不
堪率意並不可旁代者禁膏
絲畧凡七易其稿閱一歲而
卒業爰付之梨棗以期可久

倘後之人按志而考無不燎

然之指掌曰此也某山彼也某

水以此也某賢人高士彼也某

偉績豐功足以觀感而奮興

焉是則余所志之所由創也

或有以無史才見責者余何

朝

敢辭內藝文一卷時因公留
省委李子洪鐸採輯校字篆
孫希二並代錄以序云
乾隆三十年三月上浣
議大夫知石阡府事癸卯拔
貢已酉科副榜丙辰保舉孝

賜

廉方正

六品戊午科鄉試第一人乙
丑保舉國子監學正發陝西
以知縣用商南縣調繁蒲城
陞直隸高州知州保舉堪勝
知府軍功議叙一等加一級

紀錄三次又卓吳正薦加一
級紀錄三十五次西蜀合江
羅文思曰屠甫撰於署東之
友蘭齋



石埭府志

總論 舊冊載

論志於今日之石埭難言之矣沿革之制波詭雲濤
代不一揆採風問俗淳樸日離方產寥寥獨異他郡
戶口凋零土田草蕪貢賦徭役之縮額視昔徑庭城
池闌梁闕焉未修亭館訪市寺觀古蹟遺蹟流寓詢
其故處強半在荒煙野蔓中惟山川之流峙疆域之
繡錯覺亘古未易他如名宦鄉賢之隸乎學校者既
與郡署經營並舉矣而社祀其何以隆之兵防其何

以固之邇傳惠政其何以調停而光復之職官其何
以靖共表率之科貢恩典孝義貞節其何以鈞陶顯
庸激勸風厲之祥何以凝異何以消紀兵其何預戒
以弭之是皆修志者之所必思徬徨却顧而不能釋
諸懷也編雖昔志之修率舉郡典所有相沿數百年
後寢失其傳官於茲土悠同而牆一二紳士者碩佻
離乍歸亦了不能記憶掌故殘編悉亡於亂安得郡
尚有志可以起人之流覽依細乎守憲觀察黃公
經濟奧衍嗜古耽竒黔中阮塞要害之區葱鬱連嶺

之景林總威衰賦徑盈縮之原委一一洞若觀火而
於所轄石所等郡之利弊興廢尤極樞揜條貫因謂
然於鼎革以來邊疆草昧郡無專乘非所以翊贊
治運昭示來之乃於藩司錄黔省通志携歸伏讀
而思曰今日所志有不可易者有可易者有易循者
有未易遵循者有已終者有未終者有有待者有若
有待而實無待者有在天者有在人者有人定可勝
天者沿革形勝疆域山川非高下之定位則古今之
損益比不可易者也風俗如陶然擬土填器型之厚

則厚型之薄則薄此可易者也兵防職官科貢恩典
我

有倫無患授祿寬興昭忠教孝俱立於無可加之地
以易循者也戶口土田方產貢賦徭役郵傳惟予遺
之不堪患索故曩額所懸節年報補此未易適循者
也公署學校名宦鄉賢迄於秩祀登舉不墜此已終
者也城池俟歲有而再築閘梁擇所急而徐圖此未
修者也惠政坊市孝義貞節類皆積貯施濟屬世磨
鈍之規未可久廢此有待者也遺誦流寓亭館寺觀

古蹟修之僅供騷客之憑吊不修無損政治之純全
此若有待而實無待者也祥異迭見何代無之此在
天也將書紀兵以示折衝此在人也化異爲祥還兵
未萌可又人定可勝天者揅目警心於志焉寓然則
志曷此少哉茲偕推官陳君龍巖夙夜殫心網羅舊
聞祇存什一於千百不能成一郡之志以副觀察
之盛心不禁仰而嘆曰欲成其書必待其人敢以俟
後之君子

康熙三年甲辰中秋日知石阡府事三韓劉啓復譔

石阡府志叙舊冊載

粵稽代不乏志然則欲修阡之志也夫豈無舊章可
循哉而奚爲憂乎其難之訪諸紳士曰自明之一
統志成而阡志備矣歷二百年餘人莫不家珍戶襲
各有一冊以爲居今稽古之用至崇禎末葉而志之
何者苗叛不已毒流惟阡罹爲甚烈以故輿積變籍
貯在城者悉爲悍弁逆卒收半焚半散在野者非變
而爲苗狃之鎧甲則化而爲箐礮之苔莓即求其所
謂斷簡殘篇而亦烏有况其志乎迨我

朝

定鼎終未黔厥先菲茲土者視夫戶口之凋零土田
之草窳貢賦徭役之縮額闕梁亭館寺觀之傾圮墮
然而思即欲志之卒以漫無所據而已焉是旣志之
漸減也非一日矣茲幸恭逢大憲振興古道嘉惠
遐方雅見同文感世不可無型方訓俗之典遂銳意
於著述而以身任班馬所不能勝之任爰引同心董
修黔志檄下瞬徵并乘甚懼無以副大憲之至意
亟高廣文劉世忠敦請郡士楊毓華全延庠日夜殫
心遠蒐密索或得諸殘編或得諸敝篋若沿革若形

曠若方產等增康熙三年舊冊所載者無幾完不能

成一郡之志嗚呼一代之著述非一代之偉人不能

成要惟

御極於上

天子

臺

輔治理於外歷覽方隅審觀謠俗考核其扼塞險固
以知其措置所宜控馭所急先握著述之本而後合
一郡所採陳斟酌損益勒爲章憲務期他日用以恢
而展

皇圖

帝城

詎非天地間鴻文巨冊也哉雖曰欲成其書必待其

人蓋久道化成化成之政備侯之君不以成一郡之
志當必與天祿石渠則所儲並垂不朽矣是叙

康熙九年庚戌仲夏上浣之吉知石行府事彭可謙

黔中紀要

文思守石阡聞黔省通志詳且備矣先王父遊黔紀
載黔爲荆梁邊陲同三吳楚蜀皆未通中國黔尤鄙
遠閭閻最後商曰鬼方周曰靡莫戰國時楚將莊蹻
畧地至於且蘭始附楚張儀欲以商於易黔中即其
地楚滅併於秦爲黔中郡黔之名於是乎見漢元鼎
六年平西南夷置牂牁犍爲越巂武陵四郡犍爲隸
蜀越巂隸滇武陵隸楚牂牁則黔地也蜀漢興古即
今之安順隨爲巴東黔安清江明陽四郡唐貞觀十

六年拓其地置牂夷播珍等州屬黔中劍南二道採訪使其時所謂黔中者思南思州黎平鎮遠都勻與石屏及附近楚蜀也惟貴陽不與焉五代時楚王馬殷遣八姓帥率邕管柳州兵討兩江溪洞留兵戍之遂各分據號八蕃是爲今之定番州宋至道三年分隸荆湖劍南二路宣和元年以田佑恭加貴州防禦使嘉定元年以宋永高擢貴州經畧安撫使黔稱貴州始於此元憲宗時于氏內附至元十六年西南八番羅氏等國亦內附置八番羅甸等處宣慰司十七

年討羅氏鬼國十九年以降夷八番金筑百萬寨皆
爲郡縣置順元路金筑府領其事二十年討平九溪
十八洞並置郡縣立總管府俱聽順元路宣慰司節
制間設流官實同羈縻無城郭田賦之制無鄉會賓
興之典猶然荒服也明初分隸滇楚蜀三省洪武四
年蠻長峇定等舉土來附置貴州衛五年命江陰侯
吳良討平古州等蠻置永寧衛八年置黃平所十年
命安陸侯吳復討普定阿買寨十四年命穎國公傅
友德徵雲南爲徵南將軍還置貴州之普定烏撒兩

史原
公均作

衛十五年開設屯堡築貴州省城設貴州都指揮使
司領各衛所以汝南侯權其是事卒以平涼侯署理是
時紀綱初定十六年置善定軍民府都司安撫使暨
永安州改習安州爲安順州立畢節衛十八年思州
苗叛命信國公湯和爲征虜將軍周德興副之帥師
從楚王平其地洞蠻吳面兒寇古州復命信國公從
楚王勦平十九年夏六月穎國公討平越麻哈二十
年命靖寧侯葉昇善定侯陳桓討東川善定諸蠻平
之屯田於畢節等衛二十一年東川蠻復叛以西平

侯珠英、晉定侯陳桓俱從將軍穎國公帥師討平仍
命善定侯屯田畢節、宋國公馮勝鎮永寧。二十二年

狼洞黃平苗叛，穎國公移師勦服。置赤水、興隆、安莊

三衛。平普旦、阿資馬乃，置普市所。二十三年命延安

侯勝宗討平貴州叛苗，置新添、龍里、威清、安南、平壩

清平六衛，改都勻安撫司爲都勻衛。二十四年鑿永

寧河。二十五年命越爲侯，俞通淵征古州洞蠻，命都

督王成通貴州道路。二十八年貴州蠻阿榜、豐寧等

司叛，守將夏國公顧成討平，置貴州前衛。三十一年

珠
記
作

今命夏國公顧成討水西楚王湘討古州都督楊文
討清平黔陽平羌將軍何福擒永寧蠻十八加如討
畢節都勻進征五洞諸蠻志平永樂十一年叛苗田
環田宗鼎伏誅罷羅甸宣慰司置思州黎平思南鎮
遠銅人石阡各府設貴州布政使司貴州於是乃爲
專省十三年改善安安撫司爲州十八年設貴州按
察使司洪熙元年令貴州就試湖廣宣德元年詔令
雲貴兩省鄉試正統元年以木瓜麻嚮大華割屬金
甌三年設安順州流官四年始命右副都御史丁瑄

松陽史

巡撫貴州六年添設屯田副使九年置施秉縣其偏
橋衛與鎮遠衛仍屬湖廣十四年邛水草塘爛土凱
口諸苗叛臨思州都勻黃平思南石阡等衛府總督
侯璉率副總兵官方瑛討平之景泰元年苗賊韋同
烈叛據清平之香爐山命保定伯梁瑄督征二年韋
同烈伏誅是年設駐巡撫天順元年大壩山都掌蠻
叛成化三年兵部尚書程信督川湖雲貴四省兵討
平又打罕州土蠻韋阿禮叛調泗城兵會勦平之八
年裁巡撫十年置程番府十一年巡撫復設弘治四

年爛土蠻叛五年副都御史鄧廷瓚討平之六年置都司府改印江司爲縣八年置森哈獨山二州清平永從二縣十一年普安夷婦朱魯叛執太監右布政司閻鉅死之置鎮遠縣其鎮遠衛與偏橋衛仍之十六年南戶部尚書王軾討朱魯平之正德二年復裁巡撫五年再設六年平賊方四八年平臥龍司賊王倫十一年討香爐山叛苗不克十二年湖貴合師討平十四年芒夷寇永寧嘉靖四年叅將何鄉平之六年芒夷復叛仍以晉階副總兵何鄉討平十四

年閏科本省學者日益多十六年都司苗叛十九年
金石司苗叛二十一年銅鎮苗叛臨石府執推官
鄧本中官兵前後討平二十七年羅峯龍受祖叛黨
賊龍許保臨印江二十九年銅仁苗臨思州知府李
先簡死之三十年置銅仁撫苗通判三十一年平金
筑叛苗阿季是年設總督駐沅州節制湖川貴三省
隆慶二年改程番府爲貴陽府蓋以金筑平伐二司
移治省城爲首郡萬曆三年平者茅苗立寧威營十
四年以程番府舊治置定番州十九年置新貴縣二

坡
方
志

十四年遷貴陽府學於北關二十六年置銅仁縣二
十七年皮休擊叛播賊寇平越刺都司等官復寇東
波烏江及龍泉參時以下多死之賜總督李化龍劍
令便宜從事二十八年貴撫鄒子章會總督李化龍
湖撫支可大誓師討播楊應龍自縊死餘黨悉平以
其地設平越遵義兩府湄潭寶安等十縣平越府轄
平越湄潭寶安餘慶四邑以龍泉一邑屬石阡府俱
隸於黔遵義府轄遵義綏陽桐梓仁懷止安隸於蜀
二十九年貴撫鄒子章會楚師粵師勦皮休三十年

改安順州爲軍民府三十一年奢賊叛改年平改水
德司爲安化縣三十四年征東路苗三十七年紅苗
叛印江縣典史邵士元死之三十九年置廣順州四
十四年平定番狎苗天啓二年二月水西羅鬼安邦
彥叛圍貴陽總督張戩領兵來援十二月圍解賊
中餓斃者過半苗獫之害於茲最酷三年進師六廣
四年巡撫王三善督戰爲逆賊陳其愚詐降遇害同
時死遇害者參將以下百十餘人御史傅宗龍疏請赴黔
討賊詔命以巡按監軍五年擒其愚誅之餘未暇進

師鴨池河敗績總督魯欽歿於戰六年師至楊家海
不克崇禎元年川貴合師會勦總兵官侯柱許成名
斬安邦彥於永寧二年建上衛連雲等十一城詔命
貴州四川雲南合兵討水西餘黨三年賊乞撫疏開
許之四年置開州設數勇鎮西二衛修文熄烽赫聲
濯靈於襄威武定南柔遠詰戎等九所十六年以宣
慰司舊學址爲新貴縣學是年開州狎苗叛陷州城
知州黃嘉雋死之終明之世討叛苗百餘闕地十郡
州縣二十有一衛十八所千戶九爲十三省之一我

德威所及無遠不服順治十五年命經畧洪承疇平定貴州全省通黃平水路十七年馬乃苗判平其地置普安縣康熙三年水西羅鬼安坤叛命吳三桂討服以水西爲黔西府比喇爲平遠府大方爲大定府烏撒爲威寧府烏撒衛仍其舊五年平卽代誅龐安藩十一年改龍里清平都司衛爲縣裁安莊衛歸鎮寧州裁黃平所歸黃平州裁新平所歸普安縣十二年康熙順州苗叛刺史目蔣士璘二十二年改黔西平遠二府爲州割湖廣之鎮遠偏橋二衛歸黔二十五

年從土司章有倫等以其地入永從縣二十六年改
貴前二衛爲貴筑縣數勇衛爲修文縣以修文濯靈
熄烽於寰四所蓋其地裁新添衛歸貴定縣改威清
鎮西二衛爲清鎮縣蓋以赫聲威武二所改平壩衛
爲安平縣蓋以柔遠所改安南衛爲安南縣裁普安
衛歸普安州裁定南所歸普定縣改永寧畢節二衛
爲縣裁普市所歸永寧裁赤水衛歸畢節裁烏撒衛
歸威寧府改府爲州裁興隆衛歸黃平州三十四年
併新貴縣於貴筑裁安籠所爲南籠廳歸安順雍正

二年改湖廣之玉屏清谿天柱開泰錦屏五縣隸黔
中三年巡撫毛文銓討定番叛蠻擒賊首阿近斬之
四年威寧鎮總兵官石禮哈率師討古州生苗設古
州兵備道置永豐州五年改南籠廳爲南籠府六年
改遵義合屬歸貴州八年以新開苗疆設同知三駐
八寨者隸都勻駐清江者隸鎮遠駐古州者隸黎平
設通判三駐都江丹江者俱隸都勻駐歸化者隸安
順九年討平松桃紅苗移正大營同知駐其地隸銅
仁於卽代設同知隸安順割廣西之荔波縣隸都勻

十年古州苗復叛巡撫元辰成發兵勦捕傷我兵副
將等十餘人署提督鶴巖鎮總兵官訂平提督哈元
生至自京除其餘黨十一年改天柱縣隸鎮遠移大
定府通判駐水城移清江同知駐台拱設通判駐清
江俱隸鎮遠十三年古州苗復叛陷黃平清平等州
縣經畧張廣泗帥川湖粵滇黔五省兵討平斬首萬
餘設古州總兵官清江副將等鎮其地千百年苗患
至此一靖宇斯土者撫司道大員貴陽等十三府長
寨等六同知丹江等七通判定審等十四州貴筑等

三十四縣鄉科額取四十四人聲名文物埒於中州
矣以遊點紀所載較省志更詳且備也哉

街極以東士樂於庠民安於野乾隆元年至於今點
苗恭順共享太平之福石阡點中一隅地也東界銅
仁南鎮遠西遵義北思南文思二十八年祭朱孟秋
月朔蒞茲王巡歷山川土田洛紳士父老遺事欲成
郡志公暇輒搜奇訪古凡短碣殘碑必徃摹榻偶有
脫漏虛衷討論而續補之越明年甲申夏得郡故明
經全廷庚之所郡紀載郡自明永樂十一年置十二

年建

文廟正統十四年燬成化十六年郡守余志重修正
德五年土官楊再珍奏准築土城至嘉靖元年郡守
何邦憲始創築隆慶六年郡守吳維宗建城內明德
書院萬曆二十八年貴撫郭子章討楊應龍後巡行
石阡捐貲增南北門月城三十四年郡守郭原賓重
修明德書院是年冬郡守江大鯤蒞任初建祭祀各
壇廟鑿南關外兩溫泉推官李應期陞
文廟正殿於上層三十八年鎮守苗報臨阡城郡守

石洵

蕭立業甃城以石四十五年郡守曾之可造北闕外
文峯塔又建南閘渡江大厓洞樓閣額書黔南第一
景天啓元年郡守孫光顯建文峯寺之前後殿並置
田畝二年郡守錢以式加文峯塔二級旋圯推官王
登邦重修是年水西安邦彥叛民供運苦之四年
冬紅苗擁阡西門外遠旦忽去次年正月九日復來
焚城外殿宇民居客店殆盡郡守許國秀親冒石矢
與紳士率民堅守之因得瓦全繼苗族時擾郡守陳
遠道推官王命來密設偵探多方防守不遺餘力民

至今德之明末尚寧侯被戎

官兵追至石阡推官王命來署郡事阻北而聞外迎
恩寺彌月無敢擾一民嗣逃歲屢荒郡丞傅爾礪推
官謝國棟出貲給粥全活者甚衆順治十四年武陵
侯楊國棟屯田石阡性嚴刻劾副將楊新桂新桂不
服夥眾亂城內官民銜舍悉火之將殿宇祠寺而已
時委思仁道張炯象單騎至阡加意撫恤民乃寧十
五年經畧洪承疇掃除貴州逆黨拯民於水火而登
祿席老死不見兵革矣此阡郡紀所載又詳所未詳

備所未備也。竊統論之。黔在萬山羅列中。所乃拳仁
之多耳。土不厚於西北。財不富於東南。而其地則在
所必關。三代以前。詩總刺舒。何有於黔。周末。吳楚爭
盟。中夏黔音隣之臥側。鼻斯。何以安斯。民於枕席。况
捷爲越。爲群。斯皆古西南夷。犬牙相錯。滇無黔。則扼
其吭。蜀無黔。則掣其肘。一隅之不靖。實九重之憂也。
此歷代所爲羈縻。畜之前。明百戰取之。我

朝
禮樂征伐。撫綏而奠定之。否則竭其土之所納。不足
以供本土之用。歲糜協餉。動餘百萬。其何利於黔。而

子有忠

關之者惟是關之非難撫之為難未關則化外之夷也既關而生聚斯民於其地不為之策其萬全是何異操羣虎之穴而置赤子於其中幾何不為之爭食也安尚自濟火有功於蜀代封重爵雄掌諸鑿播賊自楊端應募平尚詔世襲唐職閔五代宋元至明橫居播珍誠所謂夜郎自大餘苗類皆野性難馴一旦削其土地治以流官虎視耽，伺隙而動豈顧謂哉前明盛時於鎮遠黎平各要害原皆設兵戍之正統間以貴州之役撤回戍兵諸苗遂得深入隘沒城池

屠戮兵民至終明而叛復不常苗性固難馴亦謀國者之疎也語曰國不可無三年之蓄蘓秦說趙稱其粟支十年明天啓中安南圍貴陽未匝一載而城中餓斃者過半汗民供運饑死道路者不勝計有倍無患之謂何遂至坐困若以今點汗無不墜之地無不化之民何見

廷碩畫鴨猷遠過前明勝於歷代其苗之難處我疆者迎機化導示以恩信廣以積貯圖以久安長治自風氣日厚庶富有加枕滇帶蜀可作屏藩金錫丹砂

足資國用、黔誠寰中西南之要都、而所亦黔中東北
之要郡也哉、是爲紀

乾隆二十九年季冬上浣知石阡府事西蜀羅文思

石阡府志總目

知石阡府事西蜀羅文思創修

第一卷

星野志 天

翼星考

軫星考

翼宿占驗

軫宿占驗

氣候

第二卷

地輿志 地

沿革

圖說

長官司考

疆域

形勝

八景 山川 城池 官署 閩梁 城鋪

渠堰 風俗

第三卷

職官文

知府 同知 通判 推官 經歷 教授

訓導 照磨 土司

第四卷

兵防武

武制 教場 恩膏 都司 守備 千總

祀總
外委
師旅考

第五卷

典禮教

朝賀

接詔

迎春

救護

秩祀

附祀

亭館

坊碑

古蹟

義塚

養濟

監獄

齋戒

忌辰

禁屠

停刑

講約

第六卷

學校

廟制

祀典考

樂器

祭器

書籍

名宦

御賢 邊論 流寓 德釋 方技 選舉

節烈 封典 賓興 御飲 學額 學田

書院 書院田 附各田

第七卷

田賦卷

田丁 戶口 錢糧 稅課 起解 存支

請領 備貯 里甲 市集 物產 祥異

第八卷

藝文傳 記序書 京說 引示 詩

石阡府志第一卷

知石阡府事西蜀羅文思創修

星野志

自周官保章氏以星土辨九州地所封之域皆有分
星以觀秋祥於是歷朝書史皆載天文洎府州縣志
亦例紀星野焉惟是史之論分野也綜十二次度數
以宇內郡邑配之代異其書人祈其說於九野統紀
之數致紛紜矣况一郡乎則天道之遠也者志云黔
越在羔服保章氏所未載前人以地近荆梁分翼軫

參井而石所則分在翼軫之間也

按謝東山志思州思尚鎮遠銅仁黎平石阡六府俱
翼軫之餘沈思亮通志貴陽都勻思尚石阡是井鬼
分野衛既齊志黔古無分野之說而家紀文以廣鬼
星者近似其說不一竊疑石阡一隅乃占翼軫二星
之間恐未確爾

翼星考

翼二十二星十九度四十一分位次已近太微垣星
經曰二十二翼如飛勢上五下五中元氣東臨五星

在翼下者是

軫星考

軫四星十八度位同翼星經曰軫宿四星中長沙左
轄右轄分上下單彙三十二器府土司空對清邱界
翼宿占軫

天文志翼宿二十二星天之樂府主俳倡戲樂又主
夷狄遠客負海之賓明則禮樂興四夷服凡十八度
距中行西第二星去極四百度東畝五星右翼下南
變夷星也

軫宿占驗

軫宿四星主冢宰輔臣主車騎主載任有軍出入皆
占於軫又主風明則車駕備凡十八度吉極一百度
軫二星輔軫上下兩傍主王侯左轄爲王者同姓右
轄爲異姓長沙一星在軫宿中主壽命明則王者壽
子孫昌青邱七星在軫東南蠻夷之國號也軍門二
星在青邱西一曰土司空北天子之宮之門主營侯
豹尾威旗器府三十二星在軫宿南樂器之府也明
則八音和君臣平土司空四星在青邱西主界域明

則天下豐

氣候

黔地山多而土瘠氣沴而候愆不可以中州例也嵐
氣上蒸膚寸之雲即能致雨故有漏天之說嶺高箬
深迤蔽日月一日之間乍寒乍暖百里之內以燥彼
涼田功三月始犁四月播種五月揀禾九月納稼
東作稍遲則苗不茂夏初無雨則收必歉入秋有大
風則秀不實謂之青空農民歲入除正供外恒不敷
食所賴山坡曠土石傍溪邊雜種燕麥蕎麥水稻旱

石門不記
一第
稗之屬以佐饗饗故民鮮渴歲之蓄其亦氣候使然
故惟名并與思南遵義俱近四川氣候平和寒燥不
爽雨暘恒調水經注曰崤函夜郎之閩山無瘴毒以
其處也

石阡府志第二卷

知石阡府事西蜀羅文思創修

地輿志

王制司空執度地居民蓋定郡邑城郭廬舍之區
域也陵谷變遷廢置互異不考其舊無以詳時更而
酌機宜郡自元置石阡軍民長官司隸思州宣撫司
明初改隸思南宣慰司永樂十一年置石阡府萬曆
二十九年改龍泉長官司爲縣隸府屬
朝因之令採訪考正舊址新基皆得其處矣

國

沿革

唐 梁州南 高 荊州西 鄆

虞 梁州南 高 荊州西 鄆

夏 高 貢 梁州之南 高

高 荊州之西 鄆

周 雍州之南 高

秦 黔中 郡

西漢 牂牁 地

東漢 牂牁 地

魏 鮮野地

晉 夜郎地

後魏 夜郎地

後周 夜郎地

隋 明陽郡

唐 夷州

宋 珍州

元 石阡軍民長官司隸思州宣撫司

明 石阡軍民長官司隸思南宣慰司永樂十一年

改石阡長官司爲石阡府
朝因之

沿革論舊冊

聞五帝不相襲禮三王不相沿樂沿革之時義大矣
哉蓋叢爾石阡僻處萬山雖秦漢隋唐宋元及明地
號不同創制各別或專置郡或以郡地分屬二州或
隸他州或割其地而隸之他省州郡或置宣撫慰二
司而總不離夜郎者近是夫延袤廣狹不敵腹裏一
大州縣何爲專爲分爲土爲流設官之紛々歟良由

封壤繡錯地無定界專郡則不能獨立分隸亦可彼
可此以王治土終不若設法治土爲無弊也康熙三
年甲辰推宮陳龍巖譙

按省志石阡禹貢梁州南裔周屬楚秦爲黔中地漢
爲牂牁郡地晉分牂牁置夜郎爲夜郎郡地宋齊因
之隋爲明陽郡唐初爲思黔二州地武德二年以信
安義泉綏陽三縣置義州今龍泉縣義陽山下者是
並置都守洋川二縣尋改信安爲信寧四年以思明
之寧夷縣置夷州并置夜郎神黔豐樂綏養雞翁伏

鄂

遠明陽高富思義丹川宣慈。岳十二縣五年更義
 州為智州六年省夷州謀雞翁貞觀元年廢夷州省
 夜郎神泉豐樂以寧夷伏遠明陽高富思義丹川隸
 務州以宣慈慈岳隸涪川緱養隸智州四年復以黔
 州之都上縣開南蠻置夷州省智州之都寧五年以
 廢鄂州之樂安宜林芙蓉瑯川四縣屬智州六年置
 雞翁縣屬夷州十年以高富屬黔州十一年改屬夷
 州又改智州為寧州徙治義泉領義泉信陽緱陽洋
 川緱養樂安宜林芙蓉瑯川九縣十六年廢寧州省

緱養樂安宜林以信寧隸黔州以芙蓉瑯川隸播州
以緱陽義泉洋川隸夷州後夷州治於緱陽省雜甯
高富開元二十五年以思州之寧夷都上緱陽義泉
洋川歸屬夷州唐末復陷爲蠻地宋初爲羈縻夷州
大觀二年酋長獻其地爲承州宣和三年廢承州及
都上諸縣以緱陽隸珍州元置石阡軍民長官司隸
思川宣撫司明初改石阡長官司隸思南宣慰司永
樂十一年置石阡府領長官司五一龍泉一萬壽一
苗民一石阡止一石阡副萬曆二十九年改龍泉長

國

官司爲龍泉縣隸於府

朝因之康熙二年裁萬彰司五十年裁苗民司雍正
八年裁石屏司領龍泉縣一副長官司一

圖說

石屏南通鎮遠北距思南東抵銅仁西連遵義地在
諸郡中不與他省接壤南眺十萬山高爽寬平楊旌
輿屯兵之故壘在焉府治前新開小河明郡守郭元
賓鑿可通舟楫率作輿事豈不存乎人哉郡所轄僅
龍泉一邑在郡西二百五十里境內群山連崗疊嶂

雞翁北蟠義陽緩陽東西遙峙皆昔時故城廢邑之
北古瓦類垣深人憑吊而烏江尚繞青溪北環稱襟
帶之險固矣

龍泉長官司考

龍泉坪長官司在府西一百二十里隋爲義泉縣屬
明陽郡唐武德二年改屬義州貞觀十一年改智州
爲寧州後治龍泉坪宋爲珍州地元置大保龍泉長
官司屬思州宣撫司永樂十一年改屬石阡府萬曆
二十九年裁龍泉坪長官司爲龍泉縣仍屬於府編

戶一里

葛彰長官司考

葛彰葛高長官司在府南一百里唐爲都上縣屬黔
州貞觀四年開南蠻以都上縣置夷州宋廢縣以隸
於州元置葛彰葛高長官司屬思州宣撫司明永樂
十一年改屬石阡府康熙二年裁葛彰葛高長官司
隸於府編戶半里今改在城里葛高副司久裁

苗民長官司考

苗民長官司在府西南八十里唐爲洋川縣武德二

年改屬義州貞觀四年改屬夷州宋為樂源縣屬珍
州洪武十年置為苗民司屬思南宣慰司永樂十一
年改屬石阡府康熙五十年裁苗民長官司隸於府
編戶半里

石阡長官司正副考

石阡長官司附屬唐為寧夷縣屬思州武德四年改
屬夷州貞觀元年歸入務州十一年復置屬夷州宋
歸入綏陽縣屬珍州元置石阡軍民長官司屬思州
宣撫司洪武五年改屬思南宣慰司永樂十一年改

石所司為石所府存長官司一正一副雍正八年裁
正司留副司以理苗

疆域

古者畫野分州制其疆域而封洫之所以正經界也
故書重慎國詩詠正域春秋識汶陽鄆讎之侵邠有
定制未可畧而不書也所在點萬山中交壤相錯志
可據籍而稽者

疆域論

今詳之東西南北不及五百里而幅員內見有村落

朝

保聚煌火參差溝塍綺分永黍含淵問其所屬非婺
則涓非忍南之赤子則鎮遠之屯軍也一二草舍繩
樞晨星寥落依山採蕨菜色鶉衣不問而知爲我所
民此即疆域遼濶猶屋土滿之虞况儉於五百里守
語曰十年生聚十年教養深有味於斯言此論推官
陳龍巖所目擊而手書者也聞於今我
百年來承平日久生齒益繁而富教有加與中州等
矣然當年同一疆域何以吾而彼豐則撫遺黎而懷
鴻雁中譯之計守土者可以儆也

按通志所在省城東北四百八十里東至銅仁府界
八十里南至鎮遠府界十五里西至遵義府界三百
六十里北至思忠府界五十里東南至思州府界六
十里西南至平越府屬餘慶縣界六十里東北至思
南府屬印江縣界一百七十里西北至平越府屬湄
潭縣界一十里東西廣四百四十里南北袤六十五
里至京七千三百八十里

形勝

負山枕江黔中要地廣輿記南通鎮遠北距思南一

統志林木環抱水石清幽者志與黔思犬牙相錯方
輿勝覽四面叢阻中一壤有軒明之景郡冊

形勝論舊冊

阡雖重山複嶺而險隘無闌非四塞之地也但就景
之形勝而論則叢阻中軒明一語際括殆盡考八景
無一載輿圖者就所藉人口合之通志圖說亦強
半不侔則傳其信者而已大抵山峭水冽自是黔中
本色而溫泉太虛行潦可資灌溉嶽空可供遊觀足
稱罕有若夫山貌掛榜相傳科年必兆是亦人傑地

靈之驗外以諸景借山水之清華豁胸中之襟期官
點土者曷可少耶推官陳龍巖譙

八景郡冊

知府名山一名五老山在府治後古碑載治府山

平崖掛榜冊載科年崖墜一名郡第一人同名掛榜

列岫排衙環府皆山西列如排衙因名

寒箐凝煙竹樹陰深煙雲密護晴雨如常

將軍峻嶺宋紹興間任正隆之變郡監文藝師於此

魚子孔泉泉出四時常盈深不可測有一小魚自石孔

涇泉浴日泉出松明山下蒸熱如湯浴愈瘡患

飛鳳朝陽省志州獅子山註中府冊在萬壽司東

八景 卽字黃公諱良佐改添詩載藝文

五老屏山

舊冊名五老元峯卽治府山俗記知府山

太虛石洞

乾隆二十九年卽字羅文思捐修洞門

漁浦文瀾

涇泉漱玉

掛榜元峯舊冊載掛榜名山

呼筆峻嶺

官井流香

龍川古渡

八景 乾隆二十九年仲冬文思增刪詩載藝文

五老屏山

在邱治後一圍柳翠幾疊排空其中五峯並起若昂首然常煙霏霧結有雨雪之兆

太虛石洞

城南渡江五里一名燕子巖山腹玲瓏燃炬西入洞分上中下有石龍石虎萬佛巖

大士像像前石站童子自天生成不假人工鐘鼓龍回諸景點中名勝常於以首屈

一指萬歷間郡守曾公題之曰黔而第一景省志所載尚未詳其妙

琵琶清韻

城西南一十五里昔異人德以山每月夜有琵琶聲噪一切切韻流清朗見童輿記

並載省志郡州一名雲堂山一名天馬山草堂後祠山頂有六公娘子廟

掛榜平崖

城西江對五里科年墜一石必發一雉又

龍川古渡

城南里許水停蓄無波相傳古有卧石如龍用足得名昔季太白謫夜郎渡此由虎

崖西去名流所經河山俱韻古渡佳名亦地以人傳也當於此岸建太白祠

魚浦文瀾

城南三里浦多魚無風行水上而淺瀾觸岸濼折自爾成文

溫泉漱玉

城南一里泉溫暖氣上騰如蒸浴者甚泉可愈癰患瘡疾水從石出瑋瑋有聲瀉入

河瑣花碎拋点塵不染者志謂晴可鑿鑿誠然

文筆棲霞

文廟正對西三里尖峯空元時有晴光照染如墨和丹黃如筆掃錦繡一麗景也明

新刻守有詩並見進士胡允恭太虛洞碑記者志遺之

按山川風景各志一方之盛即境疆錯出亦必不容

原作魚浦
此字人思不
不又思不

假借以博虛名者志載將軍山魚子孔泉在龍泉境
內平貫寨之將軍石係屬鎮遠城東南之魚孔泉亦
非有明徵自是附會其說又舊冊有飛鳳朝陽山在
葛彭司東考省志僅於獅子山註內附及而謬訪郡
中亦復游移鮮據乃前此八景俱援引編入何以信
今茲而始求詳况我旣非無名勝地也若琵琶山則
異人餘韻載在古籍龍川渡則名流芳躅傳爲美談
而文筆棲霞則四時秀麗形於士大夫之品題舍其
境內之所固有而益以治外之所本無與志冊之介

在疑信者毋乃糾甚至於山名知府者稱官井理不堪存文思悉爲更正焉

山川

作鎮郟邑宣導地氣山川其要矣阡山發源於平越縣亘蜿蜒數百折爲五老峯府治屏嶂也對面層巖競秀長河帶繞凡屬境內者得紀於編

五老山詳八景

侯山五老山右

鎮東山城東里許亦府治鎮山巖建有鎮東書院

金鷄山雞翔五里高可百仞翠色如黛舊冊四景金

龍山東南一里高崗懸巖霧聚則雨散則晴

九龍山東山十五里本邱水源皆從此出舊冊名檢

松明山高一里溫泉出其下故又名溫塘山

十萬山高六里昔場再興屯兵之所其上平行中有

太虛山高五里一名燕子巖山腹有洞詳八景

巖門山西高五里兩山相並如門巖上有洞

琵琶山詳八景

雲臺山一省名誌載琵琶山深林茂竹昔為苗賊潛藏之所舊冊

掛榜山詳八景舊州名平崖後因科年有北呼掛榜

駱駝山西三里又西為飛馬山

排衙山西五里詳前

文筆山詳八景

萬壽山西二十里地名樂礪山下有碕傳有神羊出

香爐山北十里平地突起四面陡絕狀如香爐攀援

金順山南百里山下有泉廣一丈深三尺餘夏漲冬

青山北十里高聳多林木

筆架山西一百四十里三峰挺秀雨岫分排象形以

獅子山南百里有二山高聳如獅因名

飛鳳山南百里一名飛鳳朝陽小郡冊入八景

麒麟山南百五里

馬鞍山西南一十里山勢昂聳中凹如馬鞍

隘門山南九十五里兩峯相峙險隘如門

黃楊山西南七十里山產黃楊樹

迎德峯西北五十里下有龍塘泉

大夫峯西南八十五里

三尖峰南九十里

朝天嶺 西三十里一名紗帽山

長沙嶺 西南六十里甚高峻

望江巖 西一百六十里舊冊名望鄉

平巖 即掛榜山

鬼巖 巖西南八十五里廣方丈如屋城南五里名臥鬼巖考甚窄小

寒林箐 西十里詳舊冊八景

杉木箐 在寒林箐西北相聯

坪耕箐 西南一百二十里

方比箐 丹山坪耕箐相聯西有巖頭箐葛蔓箐又西聯

綿花坪 西一百六十里

走馬坪 西一百四十里

大盧洞 詳八景乾隆二十年冬郡守羅文思捐為

前門去洞中碩石平洞外上山築臺起亭八景一

龍虎奇形一鼓鐘遠韻一觀音靜界一羅漢生容

室主碑記以詩俱載藝文

秋滿洞 南十五里梭巖隔岸洞門宏敞後通池塘岩

龍洞 北二十里如鶴印有文可觀三甲龍底江上中

風神洞 東北十里不敢深入則大風飄發一名風

香爐山 即香爐山

十萬山 即十萬山

九龍山 即九龍山

龍底江 成西南三里即景中龍川古渡唐李太白
經過處自色溪之九龍山下發源流黃茅志

合大溪繞郡前入思南界注烏江每年以杜
家寨蒲草塘平昔曾伐田租十石給渡夫

烏江 西一百五十里自四川播州流入郡境東流過
思南界入四川涪州即方輿勝覽所載珍州思

合溪者是也 中革訓溪

樂回江 南一百里名舊葛彭司西南其源有三至方
竹箐合流注深溪而入烏江中有渣龍灘

新開河 西二十里初中流九處巨石橫壅萬曆間
守郭原疏鑿可通舟楫不能至府前

大溪南十里流合龍底江過郡前石坪江

深溪西北二十里流入烏江中與各峇溪合

洋溪北十里許其源出銅仁提溪西流桶口河入思

溫泉舊者册四景太極溫泉境清可鑿鑿近有小溫泉詳八景

小溫泉近大溫泉數武土人謂為女溫泉

望江泉西北六十里水甘冽四時不涸可資灌溉者

白水泉東

石蔭泉詳金順山

環布泉西十里水漲垂澗如白練

大龍潭 西南六十里 深澄不測 有灌溉之利

淹龍灘 南詳樂回江

相公灘 北

金溪源 西南

甘谷井

登望池

平貫沙洲 北之十里 上有平貫岩 下有溫泉潭

保大沙洲

沙洲 南八十里

登沙塘城南二里民集堤蓄水以備旱

灣塘

南六里有魚泉春則魚出秋則魚入民張筍以取也即土人附會爲魚子孔泉處

石龍

屏風石

朝陽石

雲谷

兵墩

山川論 舊冊

自九龍山發脉迤邐百折結爲五老峯以郡治之

屏嶂也。迤而林巒蒼鬱，環郡長河襟帶，流自播州入
烏江澹涵，而過我境，由來遠矣。北口有浮圖以捍門，
戶化如村落，縣司奇峭，流河爲巖，元未及註者，未易
更僕數。夫川嶽鍾靈，則名流振響，觀諸郡縣，徃時元
魁蔚起，甲乙蟬聯，謂非山川之助歟。陳龍巖譙

城池

易稱王公設險以守國，又云重門擊柝以待暴，周禮
夏官掌授管鍵以啟閉國門，譙出入不物者，故莒小
而城，惡春秋譏之，守郡者深復墮之，憲可漫視耶。

國

上諭

按省志郡城自明嘉靖元年知府何邦憲修成土城
四十年知府蕭立業甃以石周圍六百六丈高一丈
八尺廣一丈五尺門四東曰對旭南曰近思西曰澄
清北曰拱極城樓四水關四四十二年知府王晉議
增串樓未准年久城傾圮萬歷間巡撫郭子章補修
朝順治十八年推官陳龍巖補修乾隆二十八年奉
城垣爲地方保障之資自應一律完固以資捍衛第
地方官夾徃徃視爲具文或任其坍塌不問日久因
循或修葺有名無實徒糜帑項皆所不免著各省督

撫副後飭令該管道府將所屬城垣細加查勘如稍有坍塌即隨時修補按例保固仍於每年歲底時通省城垣是否完固之處繕摺彙奏一次欽此

乾隆二十八年十一月內文思稟勘查沂郡石城一座建自明永樂年間歷年久遠城身坍塌歷任估報請修嗣奉文以偏僻之地於農隙時督令民夫補葺在案歷任雖隨時修補無如工大費繁不過量堵砌築必得全行拆修始能堅固等語二十九年正月內署貴州巡撫劉藻奏查明通省城垣外有石沂等

硃批

處城久已坍塌列入稍緩俟各處急工修竣再行委
勘興修本年四月初七日奉

覽奏俱悉欽此

城池論舊冊

天威

夫數仞之墻而民弗踰百仞之山豎子憑而遊焉凌
遲故也汗於明末屢因苗患風起塵合罹禍甚酷幸
遠樹諸苗固敢跳梁然竇堉竇壑非幹不庭者所亟
事乎今環地垣傾陵遲已極順治十八年春龍巖捐
修僅千之三警之舉鼎筋絕而止若夫卜築疏濬埃

然金湯是在守土者之留意焉陳龍巖謨

官署

設官分職必有臨民之地蓋禮法所在政教所出於以疎觀瞻而尊視聽也郡署建自永樂中燬於正統年越成化嘉靖間復修順治年間復燬康熙初重修乾隆九年二十一年重葺二十八年文思莊任爲之增補覺煥然一新尤冀繼來者修葺於無替云

石屏府署

府署城內北隅坐東向西明永樂十一年建正統十

四年燬於寇成化十一年郡守楊榮建改頭門向於
南嘉靖四十年郡守蕭立業修署中為忠愛堂後為
官適新前儀門頭門翼以申明旌善二亭順治十四
年僞爵楊國棟劾楊新桂兵亂悉燬之康熙三年郡
守劉啓復詳准以燹餘之三聖宮拆修大堂坐宅後
樓廂房捐添二堂儀門大門寅賓館土地祠乾隆元
年郡守邵一珩因樓房俱朽請項修建未准乾隆二
十一年郡守時廷藹拆樓補修坐宅二十八年文思
由陝西商州陞任捐俸鳩工建鼓樓祀先亭友蘭居

雙桂閣築垣鑿池築堅完善扶梯開牖彩飾頻加事
猶未竟耳

經歷司署

省志府署右今移府署左高街即推官舊署

教授署 明倫堂後省志學宮後

訓導署 學宮右

石汗營都司署 府城西內即舊守備署

千總署 無以自置宅爲署

把總署 無祿屋居外委一員分駐龍泉偏刀水

副長官司署 以坐宅爲署

照磨廳一名照磨所嘉靖十五年建今廢府左

司獄司府右今廢

石汗司治城高嘉靖二年建今縣副司

龍泉司治永樂十一年建今廢

苗民司治洪武三十一年建今廢

萬彰司治永樂十一年建今廢一說初在嵩高

行治察院城內嘉靖十四年郡守蕭立榮建今

撫夷道城高成化十六年郡守余志建今廢

鎮夷公館府東六十里

思石道

在鎮夷公館之右隆慶元年僉事周以曾建今廢

官署論

舊冊

自府署回祿守是郡者率暫寓於行署蓋直指駐節處也憲軺經臨信宿招提非所以肅觀瞻令府署建不行署成既可臨民以出治以便皇華之時巡接下事上交得之矣斯干之什良可詠也此推官陳龍巖論於康熙三年閏閏令百年餘矣所謂府署者今治行署者今書院舊冊自照磨聽所及察院公館於順治十四年亂兵一炬盡成焦土俱失其故處而無考

矣姑存其名焉

關梁

周禮司險知川澤之阻而達其道路有隘口以讖往來省礮渡以通行旅亦王政之大端也郡在萬山中雖非衝途凡境內旣要利濟者例得並載

松明關 東八里

欽斜關 南

松坎關 南三十五里

鎮寧關 西四十五里一名馬鬃嶺

武定關北五十里一名白馬嶺

石灰窰關東北

銅鼓關

牛塘壩關

象鼻關

竹壩坪關

迎恩礮南關外土人呼寺遺礮溝口即寧羅文思於乾隆二十九年修石堤以護下堤

達達礮北關內土人呼三板礮

八角礮北關外康熙三十三年建

文星橋北關外萬曆三十四年郡守郭原憲建

永濟橋

使六里嘉靖間路瀨一帶地屬石汗時副

來賓橋南

周惠橋南之四里一出偏橋一入石汗

天生橋

板橋嘉靖間地屬石汗北三十里

河下橋城西北萬曆十年建

啓靈橋

石城西北舊名河下橋萬曆十年郡守袁亮建

守時近藉同紳士鄉耆等會議差家建石橋約費二千金於二十七年工始竣鎖府治下

岸水口支流統歸一派

府前渡初有船建橋後廢廣興記名石行江

龍底渡龍底江即龍川古渡

白巖渡南十里白巖江

洋溪渡北十里洋溪江

桶口渡南百二十里龍泉界府收稅處

葛門渡西百二十里府收稅部此地名誤商為閃

水口渡西百六十里一名牛水口

石堤城西南上河壩高寬聚集常夏秋雨江漲發市肆概在水店舍深浸乾隆二十八年

關梁

二千一

五

22

文思到任、捐俸獨修、以坊其志、現截流達折、不復如前、治溢矣、二十九年、又修上堤、流達折、不

關梁

論

夫關梁所以禁奸詰暴利濟農商也滄桑迭閱向之險隘穹窿斥堠偵探者今多夷爲蕪墟野草向之埽梁亘水虹橋卧波者今多沒於鉅澗橫流無他土湍人稀故耳今各處關通要途排塘設鋪禁奸詰暴之制已復矣惟是津口橋畔宜隨時修葺庶徒與時行山水偶發可無濡首滅頂之虞也然則加水爲梁刻木爲舟亦便民之亟務身之莊茲即者彙辭推官陳

龍巖

塘鋪

古者侯人修路館人戒垣墉燎人具膏燭遺人掌委積以其職自効今孔道驛傳猶仿其制所地偏僻鋪司則專送公文塘馬由汛地安設第留前後交行人

人攜帶竊運誤公在在皆有是貴嚴為稽查云爾

鐵廠鋪

以南三十里鋪兵二名順治初平越府同知全

板橋鋪

北三十里鋪兵二名以上二鋪乾隆二年新

府前鋪

木城鋪兵二名同塘頭鋪乾隆二十年添設

塘頭舖

北五十里舖兵二名
以上舖司四舖兵四名

薄春夏工食在地方米銀均赴庫請領乾隆二十年

將塘頭舖兵
撤附木城

苗民舖

峯巖舖

琵琶舖

樂橋舖

桶口舖

長林舖

乾溪舖

葛彰舖

溜沙舖

泉或或或龍

在城塘

木營兵二名

凱斜河塘

東路三十里兵二名

三角塘

東路五十里兵二名

木遠塘

東路六十五里兵三名

白叢塘 南路十三里兵二名

平貫塘 南路二十五里地屬鎮遠兵二名係石汗營
乾隆二十九年鉄廠馬兵改駐平貫

白馬塘 西路五十里兵二名

木左塘 西路八十里兵三名

在城里塘 西路一百四十五里兵三名

荆北塘 北路十里兵二名

龍硿塘 北路二十里以上平一塘每塘駐兵二名
北路不等至馬塘只本城一處俱送營汛

末公文鉄廠馬塘地屬鎮遠馬兵二名係思
南營路瀨馬塘地屬思南馬兵二名亦思南

營谷定馬塘屬思南馬兵二名亦思南
頭馬塘屬思南馬兵二名亦思南

塘舖

四十六

塘舖論

明至萬厯間田土盡闢賦額充盈阡陌號馬而外協濟他驛馬館銀一千一百四十九兩有奇民不謂苦也迄於今雖止未及舊額四分之一而鞭差盡解藩司馬館盡解驛署即府縣已無可留濟遑問他站乎每見差務一在里民皇皇一夫一馬皆出閭閻之膏脂良可悼嘆也至舖司傳遞公文例有工食黔中他處雖未額設工食每夫每月猶支倉米三斗許獨以此項口糧遺造奏銷不准給領使隴畝之夫輟耕輪

走晝夜朽腹奔馳於豺虎出沒之鄉跋涉於山水驚
險之際雨雪凝肱炎暑鏢膚亦不敢稍即於休所在
申詳更定以紓民力也以陳龍巖之論令百餘年矣
舖有工食塘有兵糧民力已舒惟是學使按試思
南往返路由石所所需夫馬價值約三百金向倍派
里下民苦之久且習爲固然乾隆二十九年夏文思
先期曉諭概行豁免一夫日給銀二錢一馬日給銀
三錢爭來恐後余亦有鑿於一夫一馬皆閭閻膏脂
之言而爲是競：耳

渠堰

水澤之利灌溉爲大漢元鼎中下詔曰農天下之本
止泉流灌浸所以育五穀許山多溪流民頗自取以
溉焉第渠源易涸堰能長蓄作壩安車皆引水之法
是不可不詳究焉斯民產

戴家壩堰西八十里引水灌千畝田以外皆渠

沿河水車自白巖江迤南前一帶沿河皆水車

登沙塘詳山川

灣塘者志詳登沙塘註中民築堤蓄水以備旱

堰說

平田作渠引水以資灌溉非人善而天時稍旱水易竭與無渠等惟有堰始能常蓄潤流作堰之法畧如依壩但壩須壅港此則橫截中流較平田少低數寸水大則直過其上水小則停蓄不淺也

塘說

兩山夾送其中稍平開土成坵如階而下者爲塘田不賴旱救之惟以塘塘宜深作塘之法先度地勢於田頭之上當衆流所歸處隨地寬廣開挖爲塘塘形

多上高下低其下即以塘土築橫堤堤脚仍布木橋以防崩却中鑿水竇以備啟放此謂頭塘至田之中段亦有旁山蟬溜處照前作為腰塘次茅啓放間有開塘得泉因泉開塘者大都藉山澤雨溜以為蓄塘中儲水草菱荷魚蝦之類則水活亦可得利

塘法

築塘者堤脚布木橋弗若堤上植柳枝葉可蔭塘水盤根可固堤脚溜水竇用新伐松樹存皮剖為兩半剖空如比之去內節然長短照堤脚厚薄鬆頭寬尺

餘上下覆合壓隄下築土頭入塘內尾出堤外鑿頭
上半空處方寸作水眼以木條削尖鑿塞水眼啓放
時抽豎木條水從眼流出欲止則塞之松樹有皮在
水中經久不朽塘水肥菱草乃生魚易長種荷枝礎
魚遊藕穿隄身塘不宜種荷余蜀家居時曾作塘知
之悉

壩法

水分則勢緩聚則勢急安車之處必急水方能衝轉
非築壩不可其法用勁木長六尺爲樁時一頭刻尖

文又打入水中如鹿角壯於近岸安車用沙石壅堆使無動搖其布搭上廣下狹偏水急流至車所車自轉動若河平水緩則離下壩十餘丈以上更築一壩仍於壩頭作曲壩直連下壩則衆水由一港奔流逼成急勢可安水車二座於一處所近一帶安車之法可謂盡善未見有用龍骨車者當授其法也

渠堰論

山流引渠高田作堰平地開塘沿河築壩農民之水利也考關中自鄭國渠起後倪寬爲左內史奏請穿

同治年
作六

題

鑿六輔渠又白公復秦穿渠曰白渠余初任關中商
南縣三載為之疏通高家堰等二十四堰灌田一頃
九百八十三畝載入邑志訓纂蒲城有漫泉久淤為
之設法開濬灌田一千六百六十畝乾隆十六年八
月巡撫陳

明達部商州十年為之論古渠三百六十道並作
堰及開塘築壩灌田一百頃零八畝載在州乘茲茲
所一載我民未知水利引導安車外允通溝瀆蓋改
譯者當為之亟諱也己

二千

風俗

風俗

古者省方、首闢風俗、故太史採各國之歌謠而獻之、以考士女之貞淫、政治之得失、以國風所由作也、乃繫於水土、爲風、感於君上、爲俗、於以迓澆漓而還敦龐、責有攸歸矣。

淳龐樸茂、不離古習、服食婚喪、憲效華風、者志

土著夷民、其俗各異、涵濡日久、可擬中州、郡志

士無佻達之風、農盡胥胝之力、地非四達、鮮有貿遷

萬冊以上俱載者、
此三條以上俱載者、
郡志曰：土著夷民、其俗各異、
風俗也、
者、
民之、
士、
俗、
得、
附、
於、
後、

石片司曰峒人其性亮頑出必佩刀負弩有爭聚眾
誹理曲者罰財示警不從即動刀弩男貧不能婚者
女家不較財禮近年沾被教化舊俗丕變矣

苗民司曰狃狃其性勇而譎婚娶以牛馬爲禮死墓
用猪狗擊鼓而歌近年習尚頓改

萬彰司曰苗人其性多悍詐男子蓬頭跣足婦人花
衣細摺裙不着布履婚姻論財病疾祀鬼近年以耕

爲業迥非從前

有志峒人在石片司看類漢人苗民
有剪頭狃苗人楊保播州之裔

龍泉司曰楊保其性奸狡婚姻死墓近年亦同土著

風俗論

王充有云昔之水火今之水火也降萬之際汗俗醇
靡綽有中州禮教遺風流及輓近士不好古誦讀寢
哀有服中再醮者有娶同姓者有婚姻而論財者有
鼓歌以娛喪者有病不延醫專事巫禱者種種秕俗
誠先革其已甚自漸可返以醇靡是責在守土者推
官陳龍巖謨

是陳龍巖之論也百年矣生聚實蕃四里樹畜而又
設立序序申明教誨漸摩成化新人頌國僑曰我有

曰疇子產殖之我有子弟子產誨之嗟夫安謂古令
人之不相及耶文思乾隆二十八年孟秋月束守此
土省志曰石碛氣候和平寒燥不與茲西一年立春
以後漸溫至五月而暑盛立秋以後漸涼屆十一月
而寒溼人生其間率淳樸而文習以成俗士尚廉恥
農力稼穡務本折末安土重遷至於孝婦節兒文
第恭婚禮重擇配喪事多哀毀家祭歲時伏臘生長
忌日必薦獻外祀順四時致敬潔元旦拜先禮神賀
新年人日前後宴客名爲節酒上元張燈三大樹辦

龍蝦獅吼各故事以行樂士民相與於勝槩處聚飲

二月三日祀文昌十九日婦女朝大虛洞之石觀音

寒食前掃墓至清明日五明五日略書門符絲艾虎

兒童佩長命五色縷以糯米爲角黍佐礪礪酒十三

日祀閻帝二十八日祝城隍神七月七日婦女穿乞

巧鍼中元日以紙錢作包焚於祖宗前名曰燒袱子

中秋翫月作圓餅聚飲重陽登高飲菊酒十月朔剪

紙送寒衣冬至往來拜節十二月八日食粥名臘八

二十三二十四兩日祀竈除夕掛門絲桃符放爆比

一家老幼團團和聚團壚共酌謂之守歲熙熙皞皞
此太平之景象淳龐之風俗也哉

Table with 10 vertical columns and 1 header row. The text in the columns is extremely faint and illegible.

